

Barritus.

clamant (Barritum illum militare existimo, de quo Ammianus) cum hac persuasione, ut qui reliquorum clamori non respondeat, ei hoc accidere, ut accipiat subito à terra, feraturque quasi volans, semper postea hominum conspectum fugiens, in vallem quandam in *Kerry*, ut jam dixi.

Decumbenti assistentes nunquam de Deo, nec animæ salute, aut testamento condendo verba faciunt, sed omnia in spem convalescendi: pro deplorato habent, si quis Eucharistiam postulet. De testamento non laborant uxores, quod mos inolevit, trientem bonorum eis dari, reliqua in liberos distribui æquis portionibus, nisi quod in hæreditate adeunda plus potest, qui plus valet. Qui enim potentissimus, si patruus, si nepos, in hæreditatem, exclusis filiis, sapissime involat. Moribundum aliquem antequam fati concedat, præficæ in quadivio stantes passis manibus vocant quibusdam clamoribus ad hoc aptatis, & animam eluctantem remorari conantur, commemoratis bonorum, conjugum, formæ, famæ, agnatorum, amicorum, equorum commoditatibus; interrogantque cur velit, & quo, & ad quos recedere, cumque anima expostulant, quod ingrata sit. Denique animam evolantem ad muliercularum illarum de nocte & nigredine apparentium speciem transire conqueuntur, & affirmant: egressam vero de corpore, ululatus, & palmarum complosionibus lamentantur. Funus autem tantis vociferationibus prosequuntur, ut vivos & defunctos conclamatos esse existimes. In his planctibus vehementissimæ sunt nutrices, filia, & concubina. Nec minori planctu in prælio interemptos, quam morbo sublatos lugent, etsi hos levius periisse dicunt, qui præliando, vel latrocinando occumbunt; adversarios tamen omnibus convicijs proscindunt, & odium capitale in omnes ejus cognationis diutissime fovent.

Defunctorum animas in consortium abire existimant quorundam in illis locis illustrium, de quibus fabulas & cantilenas retinent, ut Gigantum, *Fin Mac Huyle*, *Osker Mac Osbin*, & tales sæpe per illusionem se videre dicunt.

Quod ad cibos, herbis libenter vescuntur, præcipue nasturtiis & fungis, radicibus, ut non immerito Straboni dicti fuerint *μυφάροι*, id est, *herbis vescentes* (pro quo perperam in nonnullis exemplaribus legitur *μυφάροι*, id est, *Manducones magni*) Butyro etiam cum farina avenaria commixto, lacte, sero, jure bubalino, carnibus sæpe sine pane inprimis gaudent: fruges quas habent in equorum pabulum, quos unice curant, reponunt. Fame prementem crudam carnem sanguine expresso devorare non dedignantur, ad quam concoquendam *Aqua vitæ* plenis haustibus se ingurgitant; vaccis etiam sanguinem mittunt, quem congelatum & butyro aspersum avide comedunt.

Capite plerumque nudi incedunt, nisi cum *\* Gleebee*, galeam induunt, capillitio longo, & quasi crinium *\* flagellis crispatis* quibus nihil charius habent, carpi autem indignissime ferunt. Indusi utuntur lineis, & illis quidem amplissimis, manicis largioribus & ad genua usque fluentibus, quæ croco inficere solebant. Tuniceas habent laneas admodum breves, *\* Mantel- les. Heteromallæ.* moralia simplicissima & arctissima; superinducunt autem *\* lacernas* siue *saga villosa* (*Heteromallas* *Isidorus* vocare videtur) limbo jubato, & eleganter variegato, quibus noctu involuti suaviter humi dormiunt. Cujusmodi etiam mulieres talari quam gerunt vesti superiniciunt, & multis (ut dixi) sindonis ulnis per spiras caput, monilibus colla, armillisque brachia onerant magis quam exornant. Hi sunt sylvestrium Hibernicorum mores, ex authore nostro, in reliquis plerisque omnibus qui Anglicam, quam dicunt, Provinciam incolunt, nihil abest quod in cultu & humanitate requiratur, Anglorumque victoriæ hoc debent: pluraque universa Insula deberet, si modo infano quodam & pervicaci patrii ritus amore & aures & animos meliori culturæ non occlusisset. In patriis enim ritibus Hibernici adeo sunt pertinaces, ut non solum dimoveri non possint; sed Anglos etiam facile ad suos mores pertrahant (ita ad peiora propendet natura humana) ut vix credibile sit quam brevi tempore degenerent.

The English Pale.

## F I N I S.



CRICA BIP. IOTICA  
GANT. UICI LERCARI

Aug.  
u.  
H36